

Prensa Oharra

“Parketarrak”, euskaraz jolasean aritzeko ekimena 17 auzotan antolatuko da irailaren 26tik urriaren 19ra

Donostiako Udaleko Euskara Zerbitzuaren eta auzoetan antolaturiko euskara batzordeen elkarlanaren ondorioz, “Parketarrak” izeneko egitasmoa Donostiako hamazazpi auzotan antolatuko da iraila-urria bitartean. Lehen saioak irailaren 26an hasiko dira Morlansen, Txomin-enean, Añorgan eta Altzan. Hortik aurrera, urriaren 19ra arte, hiriko auzoetako hainbat parke eta plazetan euskaraz jolasean aritzeko aukera eskainiko da doan.

“Parketarrak” ekimenaren **helburu nagusia haurrak kalean eta parkeetan jolasean ari direnean euskara erabiltzea da.** Egitasmo hau bi programatan banatuta dago: bata, Zabuzibu, 3-5 urte bitarteko haurrentzat eta beraien familientzat antolaturikoa eta, bestea, Txirrintxon, 6-9 urte bitarteko haurrentzat.

Pasa den maiatzean 713 hurrek eta 217 gurasok parte hartu zuten

Maiatzean antolatutako saioek harrera ona izan zuten: 736 hurrek eta 217 gurasok parte hartu zuten. Guztira, 99 saio antolatu ziren. Saioetan parte hartu zuten gurasoek oso ondo balioetsi dute ekimena. Kalean eta parkean jolasteko ohiturari eustea garrantzitsua iruditzen zaie eta beste jolas batzuetan aritzeko aukera izatea ere bai: flopi-flopi, sardinak latan, txorimalo, baloi eseria eta abar. Gainera, kalean euskaraz jolasteko ohitura sustatzearen aldekoak dira.

Aurten, egitasmoa 17 auzotan egingo da: Gros, Antigua, Altza, Añorga, Bidebieta, Loiola, Loiolako Erriberak, Txomin-enea, Martutene, Amara, Amara Berri, Parte Zaharra, Egia, Aiete, Morlans, Ibaeta eta Intxaurrondon. Donostiako auzo gehienetan euskara batzordeak sortuta daude eta plangintza bat aurrera eramaten ari dira euskara sustatzeko auzoan bertan. Plangintza horien helburuetako bat euskara aisialdi eremuetan erabiltzea da eta horretarako “Parketarrak” ekimena oso eraginkorra dela ikusi dute Udaleko Euskara Zerbitzuak eta auzoetako euskara batzordeek.

Eskola orduraz kanpoko euskarazko jardueretan parte hartzearen garrantzia

Haurrak euskaldundu eta euskara erabili dezaten ikastetxean egiten den lana osatzera dator Parketarrak. Jon Insausti kulturako eta euskarako zinegotziak nabarmendu du eskola orduraz kanpoko euskarazko jardueren garrantzia. *“Udalaren egitekoa da haurrentzako euskarazko*

Prentsa Oharra

jarduerak antolatzea eta horretan dihardugu. Baina horrekin batera, gurasoak sentsibilizatu behar ditugu beraien seme-alabak euskarazko ekintzetara eraman ditzaten, eskolaz kanpo ere, lagunartean, euskaraz bizi daitezen”.

EGITARAUA

Auzoa	Data	Ordua-Adina	Lekua
Altza	Irailak 26 eta urriak 3 eta 10 (astelehena)	3-5 urte: 17:00 6-9 urte: 18:00	Casares kultur etxe parean (euriarekin kultur etxe barruan)
Morlans	Irailak 26 eta urriak 3 eta 10 (astelehena)	3-5 urte: 17:30 6-9 urte: 17:30	Leire plaza
Txomin-enea	Irailak 26 eta urriak 3 eta 10 (astelehena)	3-5 urte: 17:00	Andereñoak plaza
Añorga	Irailak 26 eta urriak 3 eta 10 (astelehena)	3-5 urte: 17:00	Amassorain ikastola
Loiolako Erriberak	Irailak 27 eta urriak 4 eta 11 (asteartea)	3-5 urte: 17:30 6-9 urte: 17:30	Santiago Plaza Maria Zanbrano plaza
Egia	Irailak 27 eta urriak 4 eta 11 (asteartea)	3-5 urte: 17:30 6-9 urte: 17:30	Martin Santos plaza
Martutene	Irailak 27 eta urriak 4 eta 11 (asteartea)	3-5 urte: 17:00 6-9 urte: 18:00	Martuteneko parkea, ikastola ondoan
Parte Zaharra	Irailak 28 eta urriak 5 eta 19 (asteazkena)	3-5 urte: 17:00 6-9 urte: 17:00	Zuloaga plaza
Antigua	Irailak 28 eta urriak 5 eta 19 (asteazkena)	3-5 urte: 17:15 6-9 urte: 18:15	Mikel Laboa plaza
Herrera	Irailak 28 eta urriak 5 eta 19 (asteazkena)	3-5 urte: 17:00 6-9 urte: 18:00	San Luis Gonzaga plaza
Amara	Irailak 29 eta urriak 6 eta 13 (osteguna)	3-5 urte: 17:00 6-9 urte: 18:00	Araba Parkea (euriarekin Sahatsaren plaza)
Amara Berri	Irailak 29 eta urriak 6 eta 13 (osteguna)	3-5 urte: 17:00 6-9 urte: 17:00	Ferrerias plaza, Olaeta kalea
Loiola	Irailak 29 eta urriak 6 eta 13 (osteguna)	3-5 urte: 17:30 6-9 urte: 17:30	Latsarien plaza
Ibaeta	Irailak 30 eta urriak 7 eta 14 (ostirala)	3-5 urte: 17:30 6-9 urte: 17:30	Karlos Santamaria plaza
Bidebieta	Irailak 30 eta urriak 7 eta 14 (ostirala)	3-8 urte: 17:00	Bidebieta parkea



DONOSTIA
SAN SEBASTIÁN

➤ Euskara

Prentsa Oharra

Aiete	Irailak 30 eta urriak 7 eta 14 (ostirala)	3-5 urte 17:00 6-9 urte 17:00	Hiru Damatxo plaza
Gros	Irailak 30 eta urriak 7 eta 14 (ostirala)	3-5 urte: 17:00 6-9 urte: 18:00	Katalunia Plaza
Intxaurrondo	Irailak 30 eta urriak 7 eta 14 (ostirala)	3-5 urte: 17:30 6-9 urte: 18:30	Bernart Etxepare plaza (euria egiten badu Intxaurrondo ikastolako patioan)